



Universitätsbibliothek Paderborn

**R. P. Thomæ Tamburini Societatis Iesu Siculi
Caltanisettensis, In Alma Vniversitate nobilis Civitatis
Messanæ, Theologiæ Primarij Professoris. Explicatio
Decalogi Duabus distincta partibus**

In qua omnes ferè conscientiæ casus, ad decem Præcepta pertinentes,
mira brevitate, claritate, & quantum licet, benignitate declarantur

Continens sex Libros posteriores in Decalogum, id est, expositionem
præceptorum secundæ tabulæ

Tamburini, Tommaso

Monachii, Anno M.DC.LIX.

Restitutio ex delicto quo modo statim obliget, num. 1.

urn:nbn:de:hbz:466:1-39995

ex se ea actio caussatiua sufficenter
damni non est, nihil, quoad hoc, ad-
juvabitur ab animo, & consequenter
semper remanebit non caussans abso-
lute ex se homicidium vel damnum,
ac propterea remanebit libera ab onere
restitutionis, sicuti erat ante illum ani-
mum.

13. Dixi (quoad hoc) nam ab inter-
na intentione graviter injusta in asse-
stu, ultero concedo illam externam ex
se levem actionem denominari gravi-
ter malam & injustam: sed quia onus
restitutionis non sequitur ad actionem
injustam in justitia interna, sed externa,
nihil contra nos; Ex qua doctrina
omnia argumenta contraria à studio
Theologo facile dissoluentur.

§. VI.

Statim.

*Restitutio ex delicto quomodo statim
obliget?*

1. **A**sertio Prima. Omnis debitor
ex injusta acceptione, & uni-
versim ex delicto, atque adeo
ex damno dato, tenetur restituere,
quamprimum, non cum valde nota-
bili & incommoditate, potest. Quod si
possit, & nullam habens legitimam
excusationem, de qua infra, non resti-
tuat, non solum peccat mortaliter, ut
certum est, quia est in continuata qua-
dam ablatione, sed etiam tenetur b in
conscientia, soluere omne lucrum,
quod cessat, & damnum, quod emer-
git domino ex ea mora, (qua certe
tunc est culpabilis) quia secus, non fie-

ret æqualitas cum proximo: cum e-
nim hic ex furis culpa non solum fue-
rit priuatus re principali, sed etiam sit
paullus illud interesse, utrumque meri-
tò erit resarcendum.

a *Quanta hæc esse debent, ut excusat à
restitutione, dicetur inferius tr. 4. c. I.
§. 9. b Molin. t. 3. d. 724. C passim.*

2. Iam vero, pro ijs, quæ mox di-
cenda sunt, præadverte, hoc interesse a-
liud esse ordinarium, aliud extraordi-
narium; Ordinarium oritur, quando
res ipsa pluris v.g. valet uno tempore,
quam alio, sive quia res intrinsecè cres-
cat; ut, pluris valet equus adultus, quam
pullus; sive quia ab extrinseco crescat
ejus valor, ut, frumentum pluris va-
let mense Maij, quam Augusti: si pri-
veris ergo hoc lucro, diceris pati inter-
esse, seu damnum ordinarium. Extra-
ordinarium oritur, quando advenit
lucrum ex extraordinaria creditoris
opera, seu ex ejus negotiatione; centum
v.g. aurei, si eos negotiationi expo-
nas, pariunt alios quinquaginta: quare
si priveris hoc lucro, diceris pati inter-
esse extraordinarium, seu, ut commu-
niter loquimur, interesse, ex damno
emergente, vel lucro cessante.

3. His positis, inquires, ut debitor
ex delicto obligetur in conscientia ad
restituendum interesse, opusne est, ut
præcedat monitio, qua creditor dicat
debitori, se ipsius causa ejusmodi dam-
num pati?

Respondeo, quoad praxin, raro lo-
cum sortietur hec questio, in casu inju-
stæ acceptioñis, vel damni dati (quam-
vis særissimè locum habeat in restitu-
tione ex contractu, de qua mox nu. 6.)

Ss quis



quisnam rem suam surripuerit: quod si sciat, non dabitur facile locus monitioni: immo si detur, prudenter existimare poterit creditor, suam monitionem non profuturam; unde semper debitor debebit totum interesse solvere, sive ordinarium, sive extraordinarium, quia totius causa injusta ipse est: verum si supponas, in aliquo casu creditor cognitum esse furem, posse facile illum admonere, & adesse spem proficiendi, nonnulli *bb* asserunt, adhuc debitorem obligari ad totum vtrumque interesse; quia, quamvis non admoneatur debitor, tamen totum illud interesse creditor subit ex culpa ipsius debitoris, qui injuste accepit. Nonnulli & solum obligant ad restituendam rem ipsam ablatam, ejusque ordinarium interesse, non vero extraordinarium. Ratio est, ajunt, quia si potest creditor monere, & non monet, ipse est causa sui interesse: nam debitor non tenetur ad omne damnum vnde cumque proveniens, sed ad damnum, quod necessario sequitur ab ipso, nec facile potest impediri; at in casu nostro facile potuissest creditor impeditre, si debitorem monuissest: adde, si potuit admonere, & non admonuit, presumitur remisisse hoc lucrum, quod est extraordinarium &c. Vtraque sententia est probabilis.

bb Petrus Navarr. lib. 13. de rest. cap. 2. num. 287. Mald. 2. 2. tr. 5. du. 12. dictio 3. q. 2. Dian. p. 1. tr. de contr. ref. 87. Dic. lib. 2. de just. tr. 2. d. 2. du. 5. num. 113. c Aqor. t. 3. lib. 5. cap. 4. qu. 3. Delug. t. 1. de just. d. 18. sec. 2. num. 32.

4. In hac posteriore unum advercas: si enim debitor ejus esset dispositionis, ut etiam si præmonitus fuisset, non soluissest, obligaretur ad totum interesse, quia tunc ipse creditor non esset verè, & re ipsa sui interesse causa, non monendo, cum non potuissest impedire, sed ipse debitor sic male dispositus; quod si *d* dubius esset, an monitus soluissest, solvat (ait Delugo) partem, prædata dubij.

d ib. num. 33.

5. Assertio secunda. Omnis debitor ex delicto, licet, quando excusat ob paupertatem à restitutione, excusat etiam à peccato, non restituendo, non tamen excusat e à restituendo, (quando poterit) dictum interesse, ordinarium, & extraordinarium, quod ex hac mora, quamvis nunc inculpabili, patitur creditor; explicò; sit, qui v. g. furatus sit centum à te, qui postea incidat in summam paupertatem; hic certè stante paupertate, excusat à solvendo ea centum: at resurgentे fortuna, non solum debebit tibi centum restituere, sed omne etiam interesse, quod tu forte passus es. Ratio est quia totum istud damnum creditoris oriatur ex delicto, & injuria præterita, quare licet ipsa mora in se culpabilis nunc non sit, fuit tamen culpabilis in radice; quare omnia dama, quæ, vel immediate, vel mediate ex injuria præterita procedunt, obnoxia sunt restitutiōni, ob injūtiā primò potissimum. Una tamen est obseruanda limitatio, Quando enim, post furtum, quis incidit in extremam, vel gravem necessitatem, & rem furto ablatam, adhuc in specie



Specie extantem in dicta necessitate consumpsit, (in qua necessitate potuisse illam rem licet surripere, nec sufficeret, eam sibi mutuare, cum, obligatione eam, ejusque interesse suo tempore reddendi, ut supra g explicuimus) tunc non obligatur, b nisi ad restituendam rem, & illud solùm interesse ordinarium, & extraordinarium, correspondens tempori antecedenti dictam necessitatem, non vero interesse correspondens tempori talis necessitatis. Ratio est manifesta, quia tempore gravis necessitatis, veluti de novo accipit, sine culpa; undè non potest obligari ad interesse correspondens huic tempori, quando in accipiendo non delinquit: quod si rem ipsam principalem debet dum interesse præcedentis temporis reddere, non ex vi hujus acceptioonis hujus temporis, sed ratione primæ, quæ fuit cum delicto, ut diximus, & semper manet, obligatque, donec fiat æqualitas, &c. Immò ibidem diximus, non esse improbabile, rem ipsam totam surreptam antea, sed consumptam tempore extremæ, vel gravis necessitatis, non esse necessario restituendam.

g Supr. tr. 2. c. 6. §. 2. n. 2. h Castrop. de just. commutativa d. 1. p. 17. §. 10. contra Layman, & Molin. ib. cit. i sup. lib. num. 3.

Restitutio ex contractu quomodo obliget statim?

6. Id locum exponeret suum paulo inferius, sed quia est præcedentibus affine, hic tractandum merito suscipio.

Regula universalis. Debitor ex con-

tractu, v. g. ex mutuo, emptione, venditione, emphyteusi, &c. statim atque advenit terminus in contractu præxus, tenetur (nisi ad sit legitima excusatio, de qua suo loco infra i) solvere, quod alteri debet, etiam si à creditore non admoneatur; nam dies solutionis interpellat pro ipso creditore; ni solvat, obligabitur in conscientia ad omne alterius interesse, mox 9. 7. distinctius explicandum. Quod si terminus nullus præfixus fuit, tempus solutionis erit, quando creditor non impeditus petet; nam si ex aliquo impedimento non potest petere, terminus erit, qui prudenter judicabitur esse de ejusmodi creditoris intentione rationabili. Ratio, quæ probat in dicto termino debere fieri solutionem rei, principalis est, quia sic est ex pacto explicito, vel implicito inter creditorem & debitorem constitutum; Ratio verò, quod secus obligabitur debitor ad interesse, est, quia id inducit mora culpabilis debitoris; æquum enim est, ut ex culpa ipsius damnum non patiatur creditor. Id in omnibus contractibus verum habet. Nam licet in venditione & emptione sit per leges positivas quædam exceptio, qua ementes vendentesque pro mora culpabili non teneantur ad totum damnum emergens, & totum lucrum cessans, quod uno vocabulo nos appellamus, interesse, sed solùm ad immediatum ex ipsa emptione vel venditione proveniens, tamen quia probabile est, m non obligare has leges in foro conscientiae, esto, obligare, teneat Molina n, ideo nos de hac exceptione non laborandum duximus.

m Delugo t. 1. de Iust. d. 18. scđt. 2.

§ 6 2.

¶ Por-

